

全華叢書



全華策書



詩集傳名物鈔卷第七

元許謙撰

郡後學胡鳳丹月樵校梓

大雅三

鄭氏詩譜大雅十八篇爲正經民勞之後謂之

變雅

文王

大正一

周公追述文王之德戒成王

經○一章子金子文王在上於昭于天謂文王之

德首出庶物昭徹于天故千餘年之侯國一旦

受命達于天下○又曰有周不顯帝命不時王

文憲作丕顯丕時如詛楚文敢昭告于不顯大神蓋不字乃丕字也豈有告神而謂之不顯乎傳○一章自后稷始封至文王卽位一千九十七年武王卽位一千一百四十七年滅商一千一百五十九年○昭七年衛襄公卒王使如衛弔且追命曰云云○三章韻會築牆具題曰楨兩頭橫木也旁曰榦○五章詩記裸謂以圭瓚酌鬱鬯始獻尸也宗廟之祭以裸爲主○毛氏黼白與黑也詩記黼黻於裳雖章數不同皆以黼

爲裳也○毛氏皐殷冠也夏后氏曰收周曰冕
○左氏傳虞人之箴有曰獸臣司原敢告僕夫
注告僕夫不敢斥尊○喟苦愧反○卒章聞去
聲度待洛反○題下監去聲朝直遙反

大明

大正二

周公陳文武受命戒成王 異

經○一章子金子挾如挾泰山之挾謂提挾而有
之也○二章詩記摯仲氏任繫其夫而言大任
繫其子而言○三章詩緝文王之德不回邪故
受此四方侯國之歸也有一毫覬倖之心則邪

矣○四章監去聲載子亥反○箋天於文王爲
之生配於氣勢之處疏名山大川皆有靈氣嵩
高曰維嶽降神生甫及申詩人述其所居是美
其氣勢○六章燮蘇接反○詩記書燮友柔克
有和順之意詩緝保安之右助之而命之以伐
商以順而動因天人之所欲是之謂燮伐詩記
言大商乃所以大文武之德以爲商大矣非德
大不能伐之也

傳○二章中陟仲反○嬀羽爲反汭如銳反○四

章郃戶荅反○五章疏比其舟而渡曰造舟中
央左右相維持曰維舟併兩船曰方舟一舟曰
特舟又曰維舟連四舟維舟以下皆水上浮而
行之○比毗志反○六章長丁丈反類隔切今
易張丈反○七章朝歌見邶風傳○卒章疏駟
赤色黑鬣也檀弓亦言戎事乘駟明非戎事不
然因此武王所乘遂爲一代常法駟音留○題
下閒去聲

緜

正大三

周公述大王文王戒成王

傳○一章蔓音萬○山海經瑜次之山漆水出焉

北流注于渭郭氏注今漆水出岐山詩云自土
沮漆是也水經注北流者蓋自北而南也漢志
右扶風漆縣有漆水在縣西寰宇記鳳翔府普
潤縣漆水源出縣東南漆溪唐普潤縣卽漢漆
縣地也雍錄案水經渭水自雍縣東下至岐山
與岐水漆渠水會三水大小相敵故渭不能獨
擅其名是以猶得名漆也此水東及周原之北
岐山之南是爲大王之邑故詩曰居岐之陽在

渭之將其地山固名岐而山南有水亦名岐也
岐漆渭三水同流則岐水之陽亦漆水之陽也
故頌曰猗與漆沮潛有多魚毛氏釋之曰漆沮
岐周之二水其說確也但詩兼漆沮言之而諸
書止言漆不言沮不敢強通然則縣詩潛頌之
謂漆沮者普潤之漆水也大王文王之都在岐
而普潤者岐地故也地理攷異引段氏云漆沮
有二皆出雍州皆東入于渭特有上流下流之
別詩自土沮漆在岐周之間是渭之上流也書

東過漆沮敘于豐涇之下是渭之下流也諭音
俞雍於用反餘見小雅吉日

今案寰宇記鳳翔府東至長安三百一十九里長安東至同州二百八十里則二水入渭之地東西相去六百里非一漆沮明矣雖岐下入渭之沮不可考其源委然決非至華原合漆之水也

幽見周南及豳傳○疏年世久故稱曰古公猶云先公也○大王之大音泰後並以意求之○

密餘招反重直容反疏陶瓦器竈也復者地上
爲之取土於地復築而堅之穴者鑿地爲之土
無所用直去其息土而已○二章難去聲○詩
記來朝走馬形容其初遷之時略地相宅精神
風采也鄭氏以爲避惡早且疾苟如是之迫遽
則豈杖策去邠雍容之氣象哉○語錄舊嘗見
橫渠詩傳中說周至大王辟國已甚大其所有
地皆是中國與夷狄夾界所空不耕之地今亦
不復見此書矣意者周之興與元魏相似初自

極北起來漸漸强大到得後來中原無主故遂被他取了○地理攷異郡縣志岐山亦名天柱山在鳳翔府岐山縣東北十里○相釋文息亮反屬音燭○雍錄邠在岐西北二百五十里自邠而南一百三十里爲奉天縣有梁山渭水在梁山之南踰梁山循水可以達岐所謂率西水滸至于岐下也大王都岐在今鳳翔府西五十里是爲岐周岐水之南今有周原南五十里又有周城云此周公采邑○三章語錄蔡恐是蓼

屬故詩人與堇並稱堇乃烏頭非先苦而後甘也又云茶毒蓋茶有毒今人用以藥溪魚茶是堇類則宜亦有毒而不得爲苦甚矣如薺如飴乃詩人甚言周原之美非茶實能甘也○飴夕清反乾糖○疏春官華氏掌共燂契以待卜事注云士喪禮云楚燂置于燂在竈東楚燂卽契所用灼龜者也燂謂炬其存火也士喪禮注云楚荆也然則卜用龜者以楚燂之木燒之於燂炬之火既然執之以灼龜也燂龜開兆故曰楚

焯華時髓反焦哉約反焯土敦反○語錄爰契
我龜乃刀刻龜也古人符契亦是以刀刻木而
合之○五章度待洛反○六章應去聲重平聲
○堵見小雅鴻雁○樂音洛○七章王之郭門
曰臯門疏宮之外郭門王之正門曰應門疏謂
朝門也朱子曰書天子有應門春秋書魯有雉
門禮記云魯有庫門家語云衛有庫門皆無云
諸侯有臯應者則臯應爲天子之門明矣意者
大王之時未有制度特作二門其名如此及周

有天下遂尊以爲天子之門而諸侯不得立也
○大社之大音泰○疏起大事至謂之宜爾雅
文大事兵事也有事祭也宜祭名以兵凶戰危
慮有負敗祭之以求福宜故謂之宜○八章聞
去聲○詩緝柞柞櫟也卽唐鵠羽所謂栩也櫟
音歷○榑音綏爾雅注叢生有刺實如耳璫紫
赤可啖詩疏械卽柞也其材理全白無赤心者
爲白榑直理易破可爲犢車輻又可爲矛戟矜
今人謂之白栳或曰白栳二說未知孰是矜音

芹柄也棣音求○鮮上聲○詩記此章或以爲專指大王或以爲專指文王義皆未安孟子曰文王事昆夷文王猶事昆夷則大王安得有昆夷駮矣維其喙矣之事乎皇矣之詩曰帝省其山柞械斯拔松柏斯兌帝作邦作對自大伯王季然則柞械拔矣行道兌矣安可專指以爲文王之詩乎蓋敘周家之業積施屈伸之理始於大王而終於文王耳○卒章朝直遙反○疏選士爲大夫選大夫爲卿則各以德而相讓也○

閒音閑馮皮冰反○語錄蹶動也生是興起之意當時一日之閒虞芮質成而來歸者四十餘國其勢張盛一時見之如忽然跳起也又曰麤說如今人言軍勢益張○相道並去聲○疏臣能曉喻天下以王德宣揚王之聲譽令天下皆奔走而歸趨之故曰奔走有武力之臣能折止敵人之衝突者是能扞禦侵侮故曰禦侮○殺所界反

棫樸

大四正四

咏歌文王之德

異